



Al Madina Masjid

La Rue Brabant (Ancien La Rue Moka)

بِسْمِ اللَّهِ الرَّحْمَنِ الرَّحِيمِ

Dars No. 29

Mercredi 05 Juillet 2017 – 10 Shawwal 1438

Surah Takaathur (102)

Allah fine révèlè sa surah la concernant ban ki reste galope derrière dunya et ki pas dépense dans chemin Allah. Zot état pour continuer jusqu'a ki zot pour mort et zot pour gagne punition dans zot qabr. Allah dire :

أَلْهَاكُمْ التَّكَاثُرُ – (La course aux richesses vous distrait). Insaan fine rentre dans ene compétition contre zot même et contre les restes pour acquérir quantité du bien ki zot capave et sa situation la fine éloigne zot avec dhikr ullaah.

حَتَّى زُرْتُمُ الْمَقَابِرَ – (jusqu'à ce que vous visitiez les tombes). Si tant zot pour concentrer dans dunya, si tant zot pour ena l'amour pour dunya, zot la mort pour vine joindre zot. Jamais Insaan pour satisfait de sa ki li ena.

كَلَّا سَوْفَ تَعْلَمُونَ – (Mais non ! Vous saurez bientôt). C'est ene menace ki Allah pe donne sa ban qualité dimounes la.

ثُمَّ كَلَّا سَوْفَ تَعْلَمُونَ – ((Encore une fois) ! Vous saurez bientôt). Allah pe met l'emphase lors so menace ki sans doute zot pour gagne connaissance de résultat de zot désobéissance. Zot pour commence gagne li dans Qabr.

كَلَّا لَوْ تَعْلَمُونَ عِلْمَ الْيَقِينِ – (Sûrement! Si vous saviez de science certaine). Si seulement zot ti vraiment ena conscience de la vérité, jamais zot ti pour détourner depuis Allah So Ibaadah et Dhikr. Zot fine ignore la vérité kan li fine atteigne zot.

لَتَرَوُنَّ الْجَحِيمَ – (Vous verrez, certes, la Fournaise). Résultat de ban ki reste galope derrière dunya c'est du feu jahannam. Depuis zot Qabr pour ena du feu depuis place ki zot pour gagner dans jahannam. Li pour physique.

ثُمَّ لَتَرَوُنَّهَا عَيْنَ الْيَقِينِ – (Puis, vous la verrez certes, avec l'oeil de certitude). Menace ki Allah fine indiquer, sans doute zot pour gagne li avec certitude. Zot pour trouve li avec lizier et zot pour senti li physiquement. C'est promesse Allah.

ثُمَّ لَتُسْأَلُنَّ يَوْمَئِذٍ عَنِ النَّعِيمِ – (Puis, assurément, vous serez interrogés, ce jour-là, sur les délices). Jour jugement tout dimounes pour être questionnes concernant ban faveurs couma la santé, sécurité etc ki Allah fine fer lors zot. Ena 2 faveurs ki important : la santé et les temps libre. Eski en retour zot ti fer Allah So ibaadah, Dhikr et remercier Li ?

بِسْمِ اللَّهِ الرَّحْمَنِ الرَّحِيمِ

أَلْهَاكُمْ التَّكَاثُرُ

حَتَّى زُرْتُمُ الْمَقَابِرَ

كَلَّا سَوْفَ تَعْلَمُونَ

ثُمَّ كَلَّا سَوْفَ تَعْلَمُونَ

كَلَّا لَوْ تَعْلَمُونَ عِلْمَ الْيَقِينِ

لَتَرَوُنَّ الْجَحِيمَ

ثُمَّ لَتَرَوُنَّهَا عَيْنَ الْيَقِينِ

ثُمَّ لَتُسْأَلُنَّ يَوْمَئِذٍ عَنِ النَّعِيمِ